



„დამტკიცებულია“
აჭარის ავტონომიური რესპუბლიკის
სოფლის მეურნეობის სამინისტროს
სატენდერო კომისიის 2015 წლის
23 იანვრის სხდომის N1 ოქმით

სამინისტროს 2015 წლის პროგრამის „მეცხოველეობის დარგის
განვითარების ხელშეწყობა“ - ქვეპროგრამის „რძისა და რძის
პროდუქტების გადამამუშავებელი აპარატებით ფერმერთა და
აგრომეწარმეთა უზრუნველყოფის ხელშეწყობა“ ფარგლებში
**რძის მექანიკური სეპარატორისა და
კარაქის დამამზადებელი აპარატის**

ელექტრონული ტენდერის საშუალებით შესყიდვის

CPV კოდი - 42200000

მანქანა-დანადგარები საკვების, სასმელებისა და თამბაქოს
გადამამუშავებლად და მათთან დაკავშირებული ნაწილები

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების
შესახებ“ საქართველოს კანონის 12¹ მუხლის, „გამარტივებული შესყიდვის,
გამარტივებული ელექტრონული ტენდერისა და ელექტრონული ტენდერის
ჩატარების წესის დამტკიცების შესახებ“ სახელმწიფო შესყიდვების სააგენტოს
თავმჯდომარის 2011 წლის 7 აპრილის N9 ბრძანების საფუძველზე

ქ. ბათუმი
2015 წელი

სარჩევი:

1	ტექნიკური და სხვა პირობები —————	3
2	სახელმწიფო შესყიდვის შესახებ ხელშეკრულების პროექტი —————	6
3	დამატებითი ინფორმაცია —————	12
4	დანართი N1 რეკვიზიტები და სატენდერო წინადადების ფასი —————	13
5	დანართი N2 ფასების ცხრილი და მიწოდების ვადები —————	14
6	დანართი N3-1 მოსაწოდებელი საქონლის ტექნიკური მახასიათებლები და პარამეტრები —————	15
7	დანართი N3-2 მოსაწოდებელი საქონლის ტექნიკური მახასიათებლები და პარამეტრები —————	16

1. ტექნიკური და სხვა პირობები

1.1. პრეტენდენტის მიერ ერთიან ელექტრონულ სისტემაში ატვირთული სატენდერო წინადადება უნდა შეიცავდეს შემდეგ დოკუმენტებსა და ინფორმაციას:

- ა) რეკვიზიტები და სატენდერო წინადადების ფასი დანართი №1-ის მიხედვით;
- ბ) ფასების ცხრილი და მიწოდების ვადები დანართი №2-ის მიხედვით;
- გ) მოსაწოდებელი საქონლის ტექნიკური მახასიათებლები და პარამეტრები (სპეციფიკაცია) დამოწმებული (ბეჭედდასმული და ხელმოწერილი) მწარმოებლის მიერ დანართი №3-1-სა და დანართი N3-2-ს მიხედვით;
- დ) დეტალური ინფორმაცია მოსაწოდებელი საქონლის (რძის მექანიკური სეპარატორის და კარაქის დამამზადებელი აპარატების) საგარანტიო პირობების (საგარანტიო მომსახურების) შესახებ;
- ე) ინფორმაცია ანგარიშსწორების შესახებ;
- ვ) მოსაწოდებელი საქონლის (რძის მექანიკური სეპარატორის და კარაქის დამამზადებელი აპარატების) საერთაშორისო სტანდარტთან შესაბამისობის დამადასტურებელი დოკუმენტ(ებ)ი, რომელიც დამოწმებული (ბეჭედდასმული და ხელმოწერილი) უნდა იყოს შემოთავაზებული საქონლის მწარმოებლის მიერ;
- ზ) მოსაწოდებელი რძის მექანიკური სეპარატორისა და კარაქის დამამზადებელი აპარატის საილუსტრაციო მასალები (ბეჭედდასმული და ხელმოწერილი მწარმოებლის მიერ);
- თ) მოსაწოდებელი რძის მექანიკური სეპარატორისა და კარაქის დამამზადებელი აპარატის ტექნიკური პასპორტები (ბეჭედდასმული და ხელმოწერილი მწარმოებლის მიერ);
- ი) ბანკის მიერ გაცემული წერლობითი თანხმობა ხელშეკრულების შესრულების უზრუნველყოფის მიზნით საბანკო გარანტიის გაცემის თაობაზე.

მომწოდებელმა უნდა უზრუნველყოს რძის მექანიკური სეპარატორებისა და კარაქის დამამზადებელი აპარატების განთავსების ხარჯების დაფარვა სამინისტროს მიერ შესყიდული საქონლის ფერმერებსა და აგრომეწარმეებზე გადაცემამდე, მაგრამ არაუგვიანეს 2015 წლის 31 დეკემბრისა. საქონლის განთავსების ადგილი აღჭურვილი უნდა იყოს ვიდეო - სათვალთვალო სისტემით.

- „1.1.“ ქვეპუნქტით გათვალისწინებული დოკუმენტაცია და ინფორმაცია ელექტრონულ სისტემაში უნდა აიტვირთოს ტექნიკურ დოკუმენტაციასთან ერთად.

- შემოთავაზებული საქონელი სრულად უნდა შეესაბამებოდეს დანართი №3-1-ით და დანართი N3-2-ით გათვალისწინებულ მოსაწოდებელი საქონლის ტექნიკურ მახასიათებლებსა და პარამეტრებს.

1.2. შესყიდვის ობიექტების ტექნიკური დავალება:

№	საქონლის აღწერა	ზომის ერთეული	რაოდენობა
1	რძის მექანიკური სეპარატორის შესყიდვა	ცალი	500
1	კარაქის დამამზადებელი აპარატის შესყიდვა	ცალი	50

მოსაწოდებელი საქონლის კონკრეტული ტექნიკური მახასიათებლები და პარამეტრები მოცემულია დანართ N3-1-ში და დანართ N3-2-ში.

- **რძის მექანიკური სეპარატორებს** უნდა გააჩნდეს საგარანტიო ვადა არანაკლებ 3 (სამი) წელი (გარანტიის მოქმედების ვადის ათვლა იწყება აჭარის ა/რ სოფლის მეურნეობის სამინისტროსა და ფერმერს/აგრომეწარმეს შორის საქონლის გადაცემის დამადასტურებელი შესაბამისი დოკუმენტაციის გაფორმებიდან).
- **კარაქის დამამზადებელი აპარატებს** უნდა გააჩნდეს საგარანტიო ვადა არანაკლებ 18 (თვრამეტი) თვე, (გარანტიის მოქმედების ვადის ათვლა იწყება აჭარის ა/რ სოფლის მეურნეობის სამინისტროსა და ფერმერს/აგრომეწარმეს შორის საქონლის გადაცემის დამადასტურებელი შესაბამისი დოკუმენტაციის გაფორმებიდან).

1.3. მიწოდების პირობები და ვადები:

1.3.1. საქონლის მიწოდება უნდა განხორციელდეს ერთდროულად, ხელშეკრულების გაფორმებიდან 60 (სამოცი) კალენდარული დღის ვადაში, DDP - პირობებით, ქ. ბათუმში.

1.3.2. მოწოდებულ თითოეულ საქონელს თან უნდა ახლდეს რძის მექანიკური სეპარატორის და კარაქის დამამზადებელი აპარატის ექსპლუატაციის ინსტრუქცია საქონლის წარმოშობის ქვეყნის ენაზე და ქართულ ენაზე.

1.4. ანგარიშსწორების პირობები:

1.4.1. ანგარიშსწორება განხორციელდება უნაღდო ანგარიშსწორებით ლარში.

1.4.2. ანგარიშსწორება მოხდება მოწოდებულ საქონელზე სასაქონლო ზედნადების-/ანგარიშფაქტურის წარმოდგენის, საბოლოო შემოწმების აქტისა და მიღება-ჩაბარების აქტის გაფორმებიდან არაუგვიანეს 15 (თხუთმეტი) სამუშაო დღის ვადაში.

1.4.3. წინასწარი ანგარიშსწორება (ავანსი) არ გამოიყენება.

1.5. მოსაწოდებელი საქონლის საგარანტიო პირობები:

1.5.1. მოსაწოდებელ საქონელს უნდა გააჩნდეს:

ა) რძის მექანიკურ სეპარატორს არანაკლებ 3 (სამი) წელი საგარანტიო ვადა.

ბ) კარაქის დამამზადებელ აპარატს არანაკლებ 18 (თვრამეტი) თვიანი საგარანტიო ვადა.

1.5.2. საგარანტიო მომსახურეობაზე პასუხისმგებელია მიმწოდებელი.

1.5.3. მიმწოდებელი კისრულობს ვალდებულებას საქონლის საგარანტიო ვადაში მომსახურებაზე. სწორი ექსპლუატაციის პირობებში, თუ დაზიანდა რძის მექანიკური სეპარატორის/კარაქის დამამზადებელი აპარატის რომელიმე ნაწილი, ან იქნა აღმოჩენილი ქარხნული წუნი, მიმწოდებელი იღებს ვალდებულებას საგარანტიო პერიოდში (რძის მექანიკური სეპარატორი - 3 წელი/კარაქის დამამზადებელი აპარატი - 18 (თვრამეტი) თვის) თავისი ხარჯებით 15 (თხუთმეტი) კალენდარული დღის ვადაში უზრუნველყოს უშუალოდ რძის მექანიკური სეპარატორის/კარაქის დამამზადებელი აპარატის ან/და მისი რომელიმე ნაწილის შეკეთება, ხოლო შეუკეთებლობის შეთხვევაში შეცვლა ან შემსყიდველისათვის წუნდებული საქონლის ღირებულების თანხის ანაზღაურება შემსყიდველის მიერ მითითებულ ანგარიშ(ებ)ზე გადარიცხვით.

1.5.4. გარანტიის მოქმედების ვადის ათვლა იწყება აჭარის ა/რ სოფლის მეურნეობის სამინისტროსა და ფერმერს/აგრომეწარმეს შორის საქონლის გადაცემის დამადასტურებელი შესაბამისი დოკუმენტაციის გაფორმებიდან.

1.6. დამატებითი მოთხოვნები

1.6.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი და ბეჭედდასმული უნდა იყოს უფლებამოსილი პირის მიერ.

1.6.2. პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

1.6.3. სატენდერო წინადადებაში საერთო და ერთეულის ფასი გამოსახული უნდა იყოს ყველა ხარჯის გათვალისწინებით, როგორცაა: ტრანსპორტირების და განბაჟების ხარჯები და საქართველოს კანონმდებლობით დადგენილი გადასახადები, თუ მოსაკრებლები (მათ შორის - დღგ).

1.6.4. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

1.6.5. ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება მინიმუმ 160 კალენდარული დღით, ტენდერისათვის სტატუსის – „წინადადების მიღება დაწყებულია“ მინიჭების ეტაპიდან.

1.6.6. იმ შემთხვევაში თუ პრეტენდენტის მიერ შემოთავაზებული სატენდერო წინადადების ფასი იქნება 200 000 ლარი ან მეტი, მის მიერ წარმოდგენილი უნდა იქნას ბანკის მიერ გაცემული წერილობით თანხმობა პრეტენდენტის ტენდერში გამარჯვების შემთხვევაში ხელშეკრულების შესრულების უზრუნველყოფის მიზნით საბანკო გარანტიის გაცემის თაობაზე სახელშეკრულებო თანხის 5 % ოდენობით, რომლის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას, რომლითაც ბანკმა უნდა იკისროს ვალდებულება სამინისტროს მხრიდან პირველივე მოთხოვნისთანავე, 7 (შვიდი) კალენდარული დღის ვადაში, უზრუნველყოს ხელშეკრულების შესრულების უზრუნველყოფის გარანტიიდან მომწოდებლისათვის დარიცხული თანხის გადახდა.

1.6.7. გამარჯვებული მიმწოდებლის მიერ ვაჭრობის შედეგად სისტემაში შესყიდვის ობიექტის სავარაუდო ღირებულებაზე 20 %-ზე მეტით დაბალი საბოლოო ფასის დაფიქსირების შემთხვევაში, შემსყიდველი ორგანიზაციის მოთხოვნის შესაბამისად, მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა.

1.6.8. ელექტრონულ ტენდერთან დაკავშირებით ყველა დოკუმენტი ან/და ინფორმაცია წარმოდგენილი უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე არსებობის შემთხვევაში წარმოდგენილი უნდა იქნას როგორც უცხოენოვანი დოკუმენტი, ასევე მას უნდა დაერთოს ნოტარიულად დამოწმებული ქართული თარგმანი.

2. სახელმწიფო შესყიდვის შესახებ ხელშეკრულების პროექტი ხელშეკრულება N

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება ხელშეკრულების გაფორმების დროს

ქ. ბათუმი

2015 წელი

ერთის მხრივ, აჭარის ავტონომიური რესპუბლიკის სოფლის მეურნეობის სამინისტრო (შემდგომში „შემსყიდველი“) წარმოდგენილი მინისტრის ზაურ ფუტყარაძის სახით და მეორეს მხრივ, _____ (შემდგომში „მიმწოდებელი“) წარმოდგენილი მისი — — — — — სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის და პრეტენდენტის (მისი დასახელება) სატენდერო წინადადების საფუძველზე, ელექტრონული ტენდერის (SPA-----) ჩატარების შედეგად დებენ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ – კალენდარული დღე, კვირა, თვე.

1.4. „შემსყიდველი“ – ორგანიზაცია, რომელიც ახორციელებს შესყიდვას.

1.5. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.

1.6. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

1.7. „ფასების ცხრილი“ – მიმწოდებლის მიერ ელექტრონული ტენდერის ფარგლებში წარმოდგენილი „ფასების ცხრილი“.

2. ხელშეკრულების საგანი

2.1. ხელშეკრულების საგანია - სამინისტროს 2015 წლის პროგრამის „მეცხოველეობის დარგის განვითარების ხელშეწყობა“ - ქვეპროგრამის „რძისა და რძის პროდუქტების გადამამუშავებელი აპარატებით ფერმერთა და აგრომეწარმეთა უზრუნველყოფის ხელშეწყობა“ ფარგლებში გათვალისწინებული 500 ერთეული რძის მექანიკური სეპარატორის და 50 ერთეული კარაქის დამამზადებელ აპარატს (CPV-42200000) შესყიდვა.

2.2. საქონლის ზუსტი დასახელება, ერთეულის ფასი და მიწოდების ვადა განსაზღვრულია დანართი N 2 -ის მიხედვით.

2.3. საქონლის ტექნიკური მახასიათებლები და პარამეტრები განსაზღვრულია დანართი N 3-1-ის და დანართი N3-2-ის მიხედვით.

3. ხელშეკრულების ღირებულება

3.1. ხელშეკრულების ჯამური ღირებულება შეადგენს _____ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

4. საქონლის მიწოდების პირობები

საქონლის მიწოდება უნდა განხორციელდეს ერთდროულად ხელშეკრულების გაფორმებიდან 60 (სამოცი) კალენდარული დღის ვადაში, DDP - პირობებით, ქ. ბათუმში.

5. შესყიდვის ობიექტის მიღება-ჩაბარების წესი

5.1. შესყიდვის ობიექტი მიღებულად ჩაითვლება მხოლოდ საბოლოო შემოწმებისა და მიღება-ჩაბარების აქტების გაფორმების შემდეგ.

5.2. მოწოდებულ თითოეულ საქონელს თან უნდა ახლდეს რძის მექანიკური სეპარატორების და კარაქის დამამზადებელ აპარატის ექსპლოატაციის ინსტრუქცია საქონლის წარმოშობის ქვეყნის ენაზე და ქართულ ენაზე.

5.3. შესყიდვის ობიექტის მიღების ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

5.4. შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული საქონლის რაოდენობისა და დაწუნდების მიზეზის მითითებით.

6. საქონლის ხარისხი და გარანტია

მიმწოდებელის მიერ მოწოდებული საქონელი სრულად უნდა შეესაბამებოდეს შემსყიდველის მიერ მოთხოვნილ და მიმწოდებლის მიერ წარმოდგენილ მოსაწოდებელი საქონლის ტექნიკური მახასიათებლების სრულ აღწერილობაში მითითებულ ტექნიკურ და ხარისხობრივ პარამეტრებს (დანართი N3-1 და დანართი N3-2 თან ერთვის).

7. ხელშეკრულების შესრულების კონტროლი

7.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ტექნიკური კონტროლი.

7.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის ჩატარებისათვის აუცილებელი ტექნიკური საშუალებებით და სხვა სამუშაო პირობებით.

7.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

7.4. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს შესაბამისი კონტროლის ჯგუფი.

8. შეფუთვა

მიმწოდებელმა უნდა უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან დანიშნულების ადგილამდე ტრანსპორტირების პროცესში.

9.საქონლის განთავსების უზრუნველყოფა

მიმწოდებელმა უნდა უზრუნველყოს რძის მექანიკური სეპარატორებისა და კარაქის დამამზადებელ აპარატების განთავსების ხარჯების დაფარვა შემსყიდველის მიერ შესყიდული საქონლის ფერმერებსა და აგრომეწარმეებზე გადაცემამდე, მაგრამ არაუგვიანეს 2015 წლის 31 დეკემბრისა, საქონლის განთავსების ადგილი აღჭურვილი უნდა იყოს ვიდეო - სათვალთვალო სისტემით.

10. საგარანტიო მომსახურება

1.5.1. მოსაწოდებელ საქონელს უნდა გააჩნდეს:

ა) რძის მექანიკურ სეპარატორს არანაკლებ 3 (სამი) წელი საგარანტიო ვადა.

ბ) კარაქის დამამზადებელ აპარატს არანაკლებ 18 (თვრამეტი) თვიანი საგარანტიო ვადა.

1.5.2. საგარანტიო მომსახურებაზე პასუხისმგებელია მიმწოდებელი.

1.5.3. მიმწოდებელი კისრულობს ვალდებულებას საქონლის საგარანტიო ვადაში მომსახურებაზე. სწორი ექსპლუატაციის პირობებში, თუ დაზიანდა რძის მექანიკური სეპარატორის/კარაქის დამამზადებელი აპარატის რომელიმე ნაწილი, ან იქნა აღმოჩენილი ქარხნული წუნი, მიმწოდებელი იღებს ვალდებულებას საგარანტიო პერიოდში (რძის მექანიკური სეპარატორი - 3 წელი/კარაქის დამამზადებელი აპარატი - 18 (თვრამეტი) თვე) თავისი ხარჯებით 15 (თხუთმეტი) კალენდარული დღის ვადაში უზრუნველყოს უშუალოდ რძის მექანიკური სეპარატორის/კარაქის დამამზადებელი აპარატის ან/და მისი რომელიმე ნაწილის შეკეთება, ხოლო შეუკეთებლობის შეთხვევაში შეცვლა ან შემსყიდველისათვის წუნდებული საქონლის ღირებულების თანხის ანაზღაურება შემსყიდველის მიერ მითითებულ ანგარიშ(ებ)ზე გადარიცხვით.

1.5.4. გარანტიის მოქმედების ვადის ათვლა იწყება აჭარის ა/რ სოფლის მეურნეობის სამინისტროსა და ფერმერს/აგრომეწარმეს შორის საქონლის გადაცემის დამადასტურებელი შესაბამისი დოკუმენტაციის გაფორმებიდან.

11. ანგარიშსწორება

11.1. ანგარიშსწორება განხორციელდება უნაღდო ანგარიშსწორების ფორმით. გადა-რიცხვა მოხდება ხელშეკრულებაში მითითებულ მიმწოდებლის საბანკო ანგარიშზე.

11.2. ანგარიშსწორება განხორციელდება ლარში.

11.3. ანგარიშსწორება მოხდება მოწოდებულ საქონელზე სასაქონლო ზედნადების/ანგარიშფაქტურის წარმოდგენის, საბოლოო შემოწმებისა და მიღება-ჩაბარების აქტების გაფორმებიდან არაუგვიანეს 15 (თხუთმეტი) სამუშაო დღის ვადაში.

12. ხელშეკრულების შესრულების გარანტია

12.1. მიმწოდებელი ვალდებულია წარმოადგინოს _____ (საქონლის ღირებულების 5%) ლარის ოდენობის ხელშეკრულების უზრუნველყოფის საბანკო გარანტია.

12.2. ხელშეკრულების შესრულების უზრუნველყოფის გარანტიის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

12.3. მიმწოდებლის მიერ წარმოდგენილი ხელშეკრულების შესრულების უზრუნველყოფის საბანკო გარანტია გამოიყენება მიმწოდებლის მიერ ხელშეკრულებით გათვალისწინებული ვალდებულებების დარღვევისა (ხელშეკრულებით გათვალისწინებული ვადების დარღვევა, ხელშეკრულებით გათვალისწინებული ვალდებულებების შესრულებაზე უარის თქმა, ვალდებულების არაჯეროვნად, არასრულად შესრულება და სხვა) და

ხელშეკრულების 13.3. პუნქტით განსაზღვრულ შემთხვევაში, ამ ხელშეკრულებით გათვალისწინებული პირგასამტეხლოების ასანაზღაურებლად, აგრეთვე ნებისმიერი ზიანის ანაზღაურების მიზნით, რომელიც მიაღდება შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების გამო.

12.4. იმ შემთხვევაში თუ ხელშეკრულების 12.1. პუნქტით განსაზღვრული საბანკო გარანტიით გათვალისწინებული თანხა არ აღმოჩნდება საკმარისი ხელშეკრულებით გათვალისწინებული პირგასამტეხლოების თუ ზიანის ასანაზღაურებლად, მიმწოდებელი ვალდებულია შესაბამისი შეტყობინების მიღებიდან 7 (შვიდი) კალენდარული დღის ვადაში უზრუნველყოს აღნიშნული (დარჩენილი) თანხის ჩარიცხვა შემსყიდველის მიერ მითითებულ ბიუჯეტის შესაბამის ანგარიშზე.

13. ხელშეკრულების პირობების შეუსრულებლობა

13.1. თუ მიმწოდებლის მიერ დარღვეული იქნა ხელშეკრულებით გათვალისწინებული მიწოდების ვადები, მაშინ მას ეკისრება პირგასამტეხლოს გადახდა მოუწოდებელი საქონლის ღირებულების 0,5 %-ის ოდენობით ყოველ ვადაგადაცილებულ დღეზე.

13.2. ხელშეკრულების 13.1. პუნქტით გათვალისწინებული პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

13.3. სახელმწიფო შესყიდვის შესახებ ხელშეკრულების პირობების მიმწოდებლის მიერ შეუსრულებლობის გამო, შემსყიდველის მიერ ხელშეკრულების ცალმხრივად შეწყვეტის შემთხვევაში, მიმწოდებელს ეკისრება პირგასამტეხლო ხელშეკრულების ღირებულების 5 (ხუთი) %-ის ოდენობით.

13.4. ზემოთაღნიშნულ შემთხვევაში შემსყიდველი მიმართავს ბანკს, საბანკო გარანტიით გათვალისწინებული თანხიდან მიმწოდებლისათვის დაკისრებული პირგასამტეხლოს ბიუჯეტის შესაბამის ანგარიშზე ჩარიცხვასთან დაკავშირებით.

14. ხელშეკრულებაში ცვლილების შეტანა და ხელშეკრულების შეწყვეტა

14.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

14.2. ხელშეკრულების პირობების, მათ შორის ფასის შეცვლა, დაუშვებელია თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა განხორციელდება საქართველოს კანონმდებლობით დადგენილი წესით.

14.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

14.4. ხელშეკრულება ასევე შეიძლება შეწყდეს მხარეთა ინიციატივით, ურთიერთ-შეთანხმების საფუძველზე.

15. ხელშეკრულების შეწყვეტა მისი პირობების შეუსრულებლობის გამო

15.1. შემსყიდველს შეუძლია ვალდებულებების მთლიანი ან ნაწილობრივი შეუსრულებლობისათვის შეწყვეტოს ხელშეკრულება, მიმწოდებლისთვის ვალდებულებების შეუსრულებლობის შესახებ წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

15.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

15.3. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზის გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) თუ მისთვის ცნობილი გახდა, რომ მიმწოდებლის მიერ წარმოდგენილი დოკუმენტები ყალბი აღმოჩნდა;

გ) საქართველოს კანონმდებლობით გათვალისწინებულ სხვა შემთხვევებში.

16. დაუძლეველი ძალა

16.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველი ძალის გარემოების შედეგი.

16.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა

16.3. დაუძლეველი ძალის დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი ძალის ზეგავლენისაგან.

17. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ, არ უნდა გადასცეს მოცემული ხელშეკრულებით ნაკისრი ვალდებულებები მესამე მხარეს.

18. გადასახადები და დაბეგვრა

18.1. უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

18.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

19. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოში მოქმედი კანონმდებლობის შესაბამისად.

20. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2016 წლის 31 იანვრის ჩათვლით, გარდა ხელშეკრულების მე-10 პუნქტისა.

21. სხვა პირობები

ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

21. მხარეთა იურიდიული მისამართები და რეკვიზიტები

„შემსყიდველი“	„მიმწოდებელი“
აჭარის ავტონომიური	-----
რესპუბლიკის	-----
სოფლის მეურნეობის სამინისტრო	საიდენტიფიკაციო კოდი:
ქ. ბათუმი, მ. კომახიდის ქ. N 119	ანგარიშის N
საიდენტიფიკაციო კოდი: 245428265	მიმღები ბანკი:
	ბანკის კოდი:
ზაურ ფუტყარაძე	
მ ი ნ ი ს ტ რ ი	

3. დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია ქ. ბათუმი, მ. კომახიძის ქუჩა N119, მე-5 სართული. საკონტაქტო პირი: სოფლის მეურნეობის სამინისტროს სახელმწიფო შესყიდვების განყოფილების უფროსი თემურ ბოლქვაძე ტელ: 599 89-89-36; (422) 24-78-49. temurbolkvadze@gmail.com მთ. სპეციალისტი თამილა ჩხარტიშვილი (422) 24-78-49.

რეკვიზიტები და სატენდერო წინადადების ფასი

1. პრეტენდენტის იურიდიული ფორმა და დასახელება:
2. ხელმძღვანელის სახელი და გვარი:
3. პრეტენდენტის იურიდიული მისამართი:
4. პრეტენდენტის ფაქტიური მისამართი:
5. საიდენტიფიკაციო კოდი:
6. პრეტენდენტის ტელეფონის ნომერი:
7. ელექტრონული ფოსტის მისამართი:
8. მომსახურე ბანკის დასახელება:
9. ბანკის კოდი:
10. ანგარიშის ნომერი:
11. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

პრეტენდენტის ხელმოწერა _____ ბ.ა.

თარიღი _____

შინიშვნა: მიმწოდებლის მიერ სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი უნდა იყოს ხელმოწერილი ან/და ბეჭედ დასმული უფლებამოსილი პირის მიერ.

ფასების ცხრილი და მიწოდების ვადები
პრეტენდენტის დასახელება _____

№	დასახელება	ერთეულის დასახელება	რაოდენობა	ერთეულის ფასი	სულ (ლარი)	მიწოდების ადგილი და ვადები
1	რძის მექანიკური სეპარატორი (500 ცალის ჯამური ღირებულება არაუმეტეს 225 000 ლარისა)	ცალი	500			ქ. ბათუმი, ხელშეკრულების გაფორმებიდან 60(სამოცი) კალენდარული დღის ვადაში
2	კარაქის დამამზადებელი აპარატი (50 ცალის ჯამური ღირებულება არაუმეტეს 25 000 ლარისა)	ცალი	50			
სულ			550			

შენიშვნა: პრეტენდენტმა უნდა უზრუნველყოს მობილური რძის მექანიკური სეპერატორებისა და კარაქის დამამზადებელი აპარატების განთავსების ხარჯების დაფარვა შემსყიდველის მიერ მოწოდებული საქონლის ფერმერებსა და აგრომეწარმეებზე გადაცემამდე, მაგრამ არაუგვიანეს 2015 წლის 31 დეკემბრისა. საქონლის განთავსების ადგილი აღჭურვილი უნდა იყოს ვიდეო - სათვალთვალო სისტემით.

პრეტენდენტის ხელწერა -----

თარიღი _____

(*)სატენდერო წინადადების ფასი წარმოდგენილი უნდა იყოს დღგ-ს გათვალისწინებით, ასევე პრეტენდენტმა უნდა გაითვალისწინოს საქონლის ღირებულებაში ხარჯი მიწოდების ადგილამდე.

(**)გამარჯვებულ პირს დამატებით მოეთხოვება მის მიერ დაფიქსირებული საბოლოო ფასის (ასეთის არსებობის შემთხვევაში) შესაბამისი სატენდერო წინადადებისა და ფასების ცხრილის განფასება.

მოსაწოდებელი საქონლის ტექნიკური მახასიათებლები
და პარამეტრები

№	აღწერა	მოსათხოვნი ტექნიკური მახასიათებლები და პარამეტრები	მომწოდებლის ტექნიკური მახასიათებლები და პარამეტრები
	რძის მექანიკური სეპარატორი	მწარმოებელი	
		მოდელი	
		მწარმოებელი ქვეყანა	
		1. რძის მიმღების (თასის) მოცულობა - არანაკლებ 12 ლ	
		2. რძის გამტარიანობა - არანაკლებ 80 ლ/სთ.	
		3. ბარაბანის ბრუნვის სიჩქარე (ბრ/წთ) - არანაკლებ 9000 +/- 1000	
		4. რძის ცხიმოვანობის რეგულირება - არანაკლებ 1/4- დან 1/10 -მდე.	
		5. გამყოფი დისკების რაოდენობა - არანაკლებ 12	
		6. გაბარიტული ზომები: სიმაღლე - არანაკლებ 520 მმ	
		7. ნაღებისა და ცხიმგაცილილი რძის მიმღები - ალუმინის	
		8. რძის თასი - ალუმინის	
		9. აძვრის მექანიზმი - მექანიკური	
		10. რძის მექანიკური სეპარატორის საგარანტიო ვადა არანაკლებ 3 წელი (გარანტიის მოქმედების ვადის ათვლა იწყება აჭარის ა/რ სოფლის მეურნეობის სამინისტროსა და ფერმერს შორის რძის მექანიკური სეპარატორის გადაცემის დამადასტურებელი შესაბამისი დოკუმენტაციის გაფორმებიდან.)	
		11. რძის მექანიკური სეპარატორის ექსპლუატაციისა და აწყობის ინსტრუქცია საქონლის წარმოშობის ქვეყნის ენაზე და ქართულ ენაზე.	

პრეტენდენტის ხელწერა -----

თარიღი _____

შენიშვნა: პრეტენდენტის მიერ წარმოდგენილი მოსაწოდებელი საქონლის ტექნიკური მახასიათებლები და პარამეტრები დამოწმებული და ბეჭედდამსმული უნდა იყოს მწარმოებლის მიერ
– შემოთავაზებული საქონლის ყველა პარამეტრი პრეტენდენტის სპეციფიკაციაში მითითებული უნდა იქნას სრულად და კონკრეტულად;
– მოსაწოდებელი საქონლის ტექნიკური მახასიათებლების და პარამეტრების დანართი N3 -1 მომწოდებლის ტექნიკური მახასიათებლების და პარამეტრების სვეტში მინიშვნების – „შესაბამება მოთხოვნებს“, „აკმაყოფილებს მოთხოვნებს“ და ა.შ. ჩაწერა დაუშვებელია.

მოსაწოდებელი საქონლის ტექნიკური მახასიათებლები
და პარამეტრები

№	აღწერა	მოსათხოვნი ტექნიკური მახასიათებლები და პარამეტრები	მომწოდებლის ტექნიკური მახასიათებლები და პარამეტრები
	კარაქის დამამზადებელი აპარატი	მწარმოებელი	
		მოდელი	
		მწარმოებელი ქვეყანა	
		1. . ნაღების ავზის მოცულობა - არანაკლებ 15 ლ	
		2. ავზის ნომინალური დატვირთვა ნაღებით - არანაკლებ 8 ლ	
		3. ძრავის ბრუნის - არანაკლებ 1000 ბრ/წთ	
		4. კარაქის გამოსავლიანობა - 35 : 45%	
		5. ნაღებიდან კარაქის მიღებისათვის საჭირო დრო - 10-30 წთ	
		6. მოხმარებული სიმძლავრე - 350-500 ვტ/სთ	
		7. ელ.კვება - ძრავა 220 ვ, სიხშირე 50 ჰერცი	
		8. ნაღების ამოქვეფი ავზის მასალა - პოლიკარბონატი (პლასტმასი) ან უჟანგავი ფოლადი	
		9. კარაქის დამამზადებელი აპარატის საბრუნავი ხრახნილი - ალუმინი	
		10. კარაქის დამამზადებელი აპარატის საგარანტიო ვადა არანაკლებ 18 (თვრამეტი) თვე, (გარანტიის მოქმედების ვადის ათვლა იწყება აჭარის ა/რ სოფლის მეურნეობის სამინისტროსა და ფერმერს შორის კარაქის დამამზადებელი აპარატის გადაცემის დამადასტურებელი შესაბამისი დოკუმენტაციის გაფორმებიდან.)	
		11. კარაქის დამამზადებელი აპარატის ექსპლოატაციისა და აწყობის ინსტრუქცია საქონლის წარმოშობის ქვეყნის ენაზე და ქართულ ენაზე.	

პრეტენდენტის ხელწერა -----

თარიღი _____

შენიშვნა: პრეტენდენტის მიერ წარმოდგენილი მოსაწოდებელი საქონლის ტექნიკური მახასიათებლები და პარამეტრები დამოწმებული და ბეჭედდასმული უნდა იყოს მწარმოებლის მიერ
– შემოთავაზებული საქონლის ყველა პარამეტრი პრეტენდენტის სპეციფიკაციაში მითითებული უნდა იქნას სრულად და კონკრეტულად;
– მოსაწოდებელი საქონლის ტექნიკური მახასიათებლების და პარამეტრების დანართი N3-2 მომწოდებლის ტექნიკური მახასიათებლების და პარამეტრების სვეტში მინიშნებების – „შესაბამება მოთხოვნებს“, „აკმაყოფილებს მოთხოვნებს“ და ა.შ. ჩაწერა დაუშვებელია.